

1601.

Ի թուականութեանս յարեղական տումարի ՌԻԹ ամի, և ի յամսեան մարտի 21, ի Լով քաղաքի, աստուածասէր տանուտէրն Իվաչքո որդի Պր. Միսքոի յայժմուս ժամանակի տեսաւ զայս անգին մարգարիտս, որ եղծեալ էր ի հիւթալի տեղւոյ, և փափագմամբ ետուր կրկին նորոգել, վասն իւր հոգուն և իւր ծնողացն և իւր արեան մերձաւորացն. զինք յիշեցէք ի բարին և դուք ասացէք զԱստուած ողորմին:.. Դարձեալ աղաչեմ, ով քահանայք սրբալի և ընթերցողք այսմ գրի, մի՛ մոռանայք զիս եղկելի զՅովհաննէս զվերստին կազմող գրի, որ զսուրբ աւետարանս Յիսուսի կապեցի, և այլն: [Անտարան ի Լեւկերի]:

1603.

Գրեցաւ ի՞ Թվ. Հայոց ՌԻԲ ամի, ի յերկիրն Իլախաց, ի քաղաքն Զամոսցայ, ընդ հովանեաւ Ս. Աստուածածնին. ի ժամանակս հայրապետութեան Հայոց Տէր Մեղքիսեթեկին, և թագաւորութեանն Իլախաց Զիկմունդին, և զօրավարին իւրոյ Յովանէսին, որ կոչի իլախերէն՝ Եան, և ըստ հայրենակոչութեան Զամոսցի. որ և ըստ անուան իւրոյ շինեաց զքաղաքս զայս և անուանեաց Զամոսցա. և յայսմ ամի կատարեցաւ բարաւոր դրանց քաղաքիս: Արդ ի յանգ հասեալ գրոցս, աղաչեմ զվերծանողքդ յիշել զանարժան գրիչս Յակոբ երէցս, որ մեծաւ փափագանօք գրեցի զսա յիշատակ հոգոյ իմոյ և ծնողաց իմոց. և որ յիշեքդ՝ յիշեալ լիջիք, և այլն:

1603-4.

... Արդ լուեալ (զվարս) զայսքան աստուածագեաց խաչակրօն և զանազան արանց և կանանց և կրօնաւորաց և ամենայն գերամաքուր խմբից դասուց մարտիրոսաց, որք զարիւն իւրեանց ետուն փոխանակ զառինն Աստուծոյ, ցանկացող եղեալ Սրբոցս և գրոցս՝ սրբասէր և աստուածասէր տիկինն Կատարինայն և Կերուխնայն, և ետուն գրել զսուրբ գիրքս զայս յիշատակ հոգոյ իւրեանց և ծնողաց իւրեանց:.. Արդ գրեցաւ սուրբ գիրքս ի Թվ. Հայոց ՌԻԲ, ի հայրապետութեան Տեառն Մեղքիսեթեկի և ի թագաւորութեան Գ. Զիկմունտին, ի քաղաքս որ կոչի Լով, ընդ հովանեաւ Սրբուհոյ Աստուածածնին եկեղեցւոյն. ձեռամբ մեղաւոր և անարժան և անիմաստ գրչի Վաղար դպրի, ի ինդրոյ աստուածասէր տիկնոջն Կատարինէին: Եւ արդ, ես յետինս ի զըրչաց անարժան և մեղաւորս, մանուկ էի հասակաւ և դպիր ի Բաբերդ քաղաքի, պատահմամբ ան Տաճկաց ձեռքն անկայ, և խիստ տանջանօք և չարչարանօք զպատեցայ ի ձեռաց նոցա, նախախնամութեամբ և զթութեամբն Աստուծոյ ամենակալին. և եկեալ ի Լով քաղաքն Ընուզաց, ընկալան զիս արք տեղոյն այնորիկ, և ետուն ինձ յարկ մի, և ասացին, թէ ծառայեա Ս. Աստուածածնին. և անդ և ի ծառայելս իմում՝ բազում աշխատութեամբ